

SI - PALLI

A

1



BIBLIOTECA LUCCHESI - PALLI

III.^a SALA

SCAFFALE.....

PLUTEO.....

N.^o CATENA.....

C
VIII
3

Gr. S. 44. XVI. 6



III. C. 1911.3

567^s LO
CERRIGLIO
NCANTATO
Poema Eroico
DI
GIVLIO CESARE
CORTESE.



IN NAPOLI,
Per Nouello de Bonis M.DC.LXVI.

Con licenza de Superiori.

Ad istanza d'Adriano Scultore
all'Insegna di S. Marco.





ARGOMENTO.

Parla cò Cicco, e Cola Sarchiapone,
E cò l'aute compagne fà conziglio,
De fà no gruosso, e gagliardo squa-
trone,
Pè ghire à conquistare lo Cerriglio,
Chesto vene nsentore à lo Patrone;
Cà pè tutto se sente lo vesbiglio,
Nne n'attemo n'aserzeto fà fare,
Pe bolè à Sarchiapone arroienare.

CANTO I.

IO canto chelle forze, e chelle proue,
Che fecero ciert' huommene valiente
Cchiù d'Orlāno, cchiù d'Ercole, e de Gio-
Anze à paro de chiste non sò niente, (ue,
E dico ancora commo fuieno noue
Chiste, e se steano à spizzolà li diente,
E feceno'ntrà lloro nò conziglio
De ire à conquistare lo Cerriglio,
Ei Muse vuie, che soletarie state
Ncoppa à stò mōte, e maie nò ve partite,
Ve suppreco, ch'a beuere me date,
Comm'all'aute assetate vuie solite:
Cà non sò nuouo a chessa nfermetate
De poctare, perzò vuie decite,
Mètre ch'io scriuo ncoppa a no vreccione
Vierze, pe' mmortalare a Sarchiapone.

Massema mò, ch'ascire da Levante
Vedite Apollo cò lo carrettone,
Che cantare pè forza è abbesognante,
Ca pò'si none ve mette mpresone,
Ed'io m'alletto ncoppa a ss'erue mnante,
Ch'accommenza a sonà lo calascione;
Pè dareue chist'auto mio tributo
De stò Poemma vero, e non fegnuto.

Era, commo ve dièco, Sarchiapone
Auciello d'acqua, ma lo cchiù balente
A sonare l'arciulo, e lo tremmone
De quanta fuino a Napole azzellente,
Hommo, che despotaic cò Ferrantone
Masto de scola, e llà tutte le gente
Steuano a canna aperta a lo contrasto,
E ghiodecaièno, ca perdiè lo masto.
L'aut'era Rienzo porzì baloruso,
Hōmo de nciegno, e de gran sonnamietto,
Che quann'era picciotto a lo Pertuso
Ne voleu'isso sulo cchiù de ciento,
L'aut'era appriello lo Dottò Vauuso,
Ch'à correre faceua cò lo viento,
Ed'era bello, musèco, e galante,
Famuso, vertoluso, e porzì amante.

Matillo.è pone, cchiù de chillo Chiotto,
Che fù mastrone de lo gran sbaratto;
Chisto, si la menestra è cruda, ò cotta,
Se la gliotte cò tutto lo piatto;
E bi ca vide maie, ca s'abbotta,
O ca lo ventre suio se fa chiatto:
N fine ha lo cannarone tanto gruosso,
Che se gliotte la carne, e perzì l'vosso.

L'auto

L'auto se chiamma lo gran Menechiello,
 Che sempe vace armato de cortelle;
 Chisto sà cchiù de Micco de douiello,
 Ed'è muto valente a le pannelle:
 Cierito ca se lo granne celleuriello
 Mostraffe, porria vincere le scelle,
 Che fece chillo, cò tanto artefitio,
 Ch'à marò pò cadette mprecepitio.

Peppò l'auto se chiamma, ed ha lo naso,
 Ch'è fatto a muodo de no catenaccio:
 Chisto soleua i spisso a Parnaso
 A fruscià Febo, e dà a le Muse napaccio;
 Vasta, ca corre ancora nsi a l'Occaso
 L'addore de na fella de migliaccio,
 Che no iuorno passanno pe lo muolo;
 Se la gliottie sott' a lo ferraiuolo.

Sequeta Cicco de casa Fragnola,
 Ch'à fragnere fragnea cchiù de molino,
 Ed' hauea mmocca na valente mola,
 Che steua sempe lesta a lo cammino,
 L'auto è chiamato lo Poeta Cola,
 Che leica chillo de casa Marino,
 Hommo de ciappa, e de norata famma;
 Chisto, trà l'aute, era de franca lamina.

E l'ytemo era Iacouo valente,
 Che fece mille proue a lo Mercato,
 Che da tuttā la frotta de la gente
 Iacouone pe' nomme era chiamato.
 Musa te prego famme venì a mente
 Le forze de chist'hommo assaie norato;
 Azzò ch'io manna cò famuso stile
 Le balentitie soie da Vattro a Thile.

Era lo tiempo, che Febo sfrattaua,
 Pè la paura de lo Scorpione,
 E priesto all'auta casa s'accostaua,
 Pè non lleuare quarche mozzecone;
 Quanno la Famma lo pietto abbrusci uua
 De lo famuso Aroie Sarchiapone,
 De fare noue imprese, e ghire arrante,
 E de mannà la casa soa nnenante.

E mentre stea penzanno sulo sulo,
 Commo potesse accommenzà la Guerra,
 L'armo cresceua cchiù de no cetrulo,
 Quann'è adacquata bona chella terra,
 Ecco venire a cauallo a no mulo
 Cicco, cò Cola ngroppa, da la Cerra:
 Cicco cò li stiuale, e a li tallune
 Cola tenea legate li sperune.

Quanno Sarchia vedette Cicco, e Cola,
 Hora penzate vuie, ch'armo facette:
 Haie visto maie quanno dà la gaiola
 L'auciello sbigna, ed' a fuì se mette?
 O quanno lo scolaro da la scola
 Esce, che d'allegrezza le cauzette
 S'enchie perzì? cossì s'allegra, e pare,
 Che sia de l'allegrezza lo compare.

Pò disse, ò bemmaute: ò bèn trouate
 Responnettero lloro, e scrauaccaro,
 E nzembra tutte tre fuino attettate,
 De lo cchiù, e de lo nmanco pò parlaro;
 Pò disse Sarchia, O huommene norate,
 Ca comm' a buie nō haggio nullo paro,
 Ve voglio dì là ntenzione mia,
 Azzò vuie me mettite pè la via.

Io creò, ca vuie sapite muto buono ,
Pè chillo riempo, che me canoscite ,
Si sò de lo Mercato, e Puerto , truono,
E si maneio buono spate , e spite ,
E si la Famma sempe cò lo suono.
Veruescia de mè , perzò viute
Ve preo , che state tutte quante nchietta;
Pe fare de Cerriglio gran mennetta.

Pocca chisto nc' hà fatto sempe guerra,
E nc'è stato nnemmico capetale ;
Nuie lo volimmo mannà nchiana terra,
O veramente morì a lo spirale :
Ogn'uno priesto ad' ammolà la sfera
Se dia, pè fare gran fracasso , e male,
E chiammarrite a la ncorrenno, e priesto,
De li compagne tutto l'auto riesto.

Chiammate Peppo , chiammate Masillo,
Chiammate Micco, Rienzo, e lo Dottore,
E Ghiacouo perzì, ca n'è berrillo ,
Mà è hommo tutto chino de valore ,
De nuie nesciuno è quacche peccerillo,
Ca simmo la sostanza , e lo shiore ;
Zoè comm'è lo grasso a lo pignato ,
Così nuie simmo inò de lo Mercato.

E ncrosione ogn'vno craie matino
S'haggia ad ashiare, cò la spata a llato ,
O a la Sellaria, ò a lo Pennino,
Dapò ch'auite ogne compagno ashiato ,
Perche hauimmo da essere vecino
A lo Cerriglio, nnante, che schiarato
Se sia lo iuorno , e llà starrimmo ntresca,
E nc'enchiarimmo buono la ventresca.

Ogn'vno alliegro, e cò lo riso mimocca,
Dicette, O bene mio, buono haie pèzato,
Cà nce volimmo'nchì mò che nce tocca
De le robbe de chisto sbregognato:
Sta notte non sia nullo che se cocca,
Ma sempe stenga pesole, e scetato,
Penzauno, che sia priesto la matina;
Pè fa fracasso, streuerio, e roina.

Ma già se ne veneua da le grotte
De li Zingare tinte de craune
Adafo adafo la maddamma notte,
Pè fa scurare tutte li cantune;
E Febo conzegnaua bone zotte
A li caualle co li capezzune;
Perche le facea suonno, e bolea jre
Cò la mogliere d'Oceano a dormire,

Lloro l'ammice iettero trouanno
Pè tutte li casuorchie de le chiazze,
Che pareva, che ghiettassero lo banno,
Ed erano tornate quase pazze:
Chi iea saglienzo, e chi iea tozzolanno.
Ch'apperò ad abbuscare bone mazze;
Ma pò, che tutte quante happerò ashiato,
Tutto lo fatto l'apperò contato.

Ma lasso sto negotio contare
A Cola, ch'era buono parlatore,
Ed'abbesogna a Sarchia mò tornare,
Che stea contanno tutte quante l'hore,
Non se voleua niente appapagnare,
Perche hauea famme d'acquistare nore,
Ma puro messè Paulo venette,
E io mantiello ncapo le spannette.

Ma non pè chesto lo suonno poteua,
 Co l'acqua de lo frate fà scordare
 A Sarchia chello , che penzato haueua,
 Zoè de lo Cerriglio conquistare,
 E mentre chello poco s'addormeua,
 Pè la cocozza se sentea ntronare
 Na voce, commo scesse da no cuorno,
 E dicea, fuse Sarchia, vè ch'è ghiuorno.
 Iſso, che ntese chesto, se sbegliaie,
 Co no gran schianto, e miezo sorciuto,
 E da valente subbètò s'auzaie,
 Pè bedè s'era llà quacche paputo,
 A la fenesta priesto s'affacciaie,
 Ma lo Munno a chell' hora era ammotuto.
 Sulo ncielo Febea steua affacciata,
 E da mille zitelle ntorniata.
 Febea, ch'era ſciuta a fà la spia,
 Se nc'era quacarcuno pè le ſerue;
 Azzò non fosse viſta pè la via, (ue,
 Mentre ſcēneua, e ghica mmiezo a le ber-
 Perche bolea ſganna la fantafia
 Cò chillo, che dormeua ncoppa all'erue,
 E pè paura de lo ſuo patrone
 Se pigliata annaſcuſo ſfatione.
 Vedènno chella facce tonna, e ghianca,
 Che pareva no shiaudone nzuccarato,
 Le venne cchiù che non hauea l'allanca,
 E priesto ſe veſtie, e s'happe armato,
 A lato ſe mettie na lamma franca,
 Che poco nnante haueua ſmafariato
 Nò gatto gruoſſo, e graſſo ſoriano,
 E lo pummo era a milo tramontano.

Pò scese a chiazza, e stena passianno,
Comm'a chillo, che fà la sentenella,
E dicea, quanno se fa iuorno, quanno,
Pè dà a Cerriglio la gran cacarella?
Ntratanto ieu a Cintia scuranno
Lo Cielo, e commogliaua ogn'auta stella
Co no panno de lutto, azzò l'Aurora
Lo ianchiasse à llà nauta mez'hora.
Quann'isso s'abbiaie chiano, chiano
Mmiez lo largo de la Sellaria,
E co la spata sfodarata mmano,
La iea sfruscianno ad'ogne croceua,
Iea accappucciato co no malantrano,
Che balea iusto poco cchiù de cria,
E tenea li stiuale de vacchetta,
Le cauze a brache co na gran vrachetta.
Ionze à lo luoco de l'appontamiento;
E trouaie tutte quante a nò pontone;
Vno mmano tenea na ntorcìa à biento,
E scoprie da lontano a Sarchiapone:
O ben menuto lustro cchiù d'argiento,
(dissero) nuostro capo, e campione;
(Respos'isso) siate ben trouate
Ammice fedelissime, e norate.
Pò mute zeremonie facero
Nzembra, conforme fanno li figure,
E mmiero de lo Ponte se ne iero,
Pè s'allogare le cranaccature:
Mà pè direue mò lo bello vero,
Mentre ieano pè chelle chiazze scure,
Retomano le iea no guarzonciello,
Che ghiea a pigliare carne a lo vordicello.
Chisto

Chisto stea cò Cerriglio, ed'ascotaie
 Quanto disseno llo ro pe la via,
 E comm'happe sentuto se lassaie
 Volanno, pe portà la noua ria;
 Ionze priesto a la porta, e tozzolaie:
 Chi è là? disse vno, che faccia la spia)
 E' Ciommetiello (disse lo guarzone)
 Apere priesto, apere patrone.

Priesto, cossimmo tutte arroinate,
 Armateue, e mettiteue no giacco,
 Cà mò farrà stò Regno assediato,
 Ed hauarrà da cierte no gran smacco,
 Cerriglio mò, che stea miezo malato,
 E ngamme se sentea no poco fiacco,
 De paura le vennero le ghiute,
 E tutte li cauzune s'happe nchiute.

Pò disse, viene ccà, che cosa dice?
 Chi sò chiste, che ccà vonno venire?
 Illo respòse, sò cierte nnemnice,
 Che bonno fare a nuie tutte morire;
 L'haggio sentuto mò, che chisse amnice
 Ntrà llo ro ste parole steano à dire:
 Iammo mò priesto, iammo a crauaccare,
 E de Cerriglio lo Regno assautare.

Osfortonato me, lo Rrè dicette,
 Ch'era Cerriglio Rrè de chella Terra,
 E tanno mute lettere scriuette
 A ciert'amnice pratteche de guerra,
 Spedic na maniarà de staffette,
 Ed'auisaie ogn'vno, che se'nzerra,
 E pò stiano sbegliate a la defesa,
 Pè fare a sti nnemnice gran'offesa.

ARGOMENTO.

Manna Cerriglio à Sarchia cierte ciue,
 Che no grā Nigromāte hauea ncātate,
 Iſſo, ch'è furbo, à cierte li cchiù arcieue
 Ordena tanno, che ſiano iettate;
 Ma chille, pè non c'eſſere corriue,
 Se le nnorcaieno, e fuieno trasformate:
 Sarchia ſe'nſūma, e fa che la ſerrecchia
 Ogn' ommo ammola, e all'arme s'ap-
 parecchia.

CANTO II.

G Ià ſceua da la porta de Leuante
 La Zitella de Febo cò Titone,
 E ghiea ſcopāno, ed' adacquanno nnante
 Le chiazze, addoue paſſa lo patrone:
 Già ſteua leſto ogne cauallo, e fante
 De lo deſedderuſo Sarchiapone,
 E de Cerriglio la gran compagnia
 Già ſe ieua accoſtanno tuttauià.

Ma Sarchia mò, vedenno ianchiare
 Lo cielo, e ghiettrà ſtizzate, comm'a burro,
 Subbeto commannaie, ch'ad'ammarciare
 Se ſonaſſe lo cuorno, e lo rammurro;
 Ogne compagno ſe ſentie allegrare,
 Ch'audiſte no marmuoito, e no ſuſurro;
 Prieto ammarciāmo, prieto allegramēte
 Diceua Sarchiapone a quella gente.

Nzem.

Nzembra cò lloro icano cchiù de mille
Gridanno tutte, e facenno gran festa,
Giunene, vièchie, granne, e peccerille,
Menanno chi ce polla, e chi rapesta;
Cerriglio, che sentea chille gran strille,
S'affacciaie paura a na finestra,
E non sapea si fosse lo remmore
De la gente contraria, ò de nfaore.

Ma lo Masto de Campo Coceniello
Era à lo stillo tiempo già arriuato,
Ch' haueua no cauallo gioneniello,
Ch'era de viento à Spagna gnenerato,
La capo negra hauea de schiauottiello,
E lo corpo era liardo arrotato,
Li piede nigre haueua, e a li capille
Hauea de noccherelle cchiù de mille.

Quanno l'vno coll'auto s'affrontaie,
Iusto a la scesa de certe gradelle,
(Ma Coceniello primmo se pigliaie
Lo puosto lesto, comm' hauesse ascelle)
Ogn' Arfiero la nzegna aruoliaie,
Cò vna mano, pè le fà cchiù belle
Parece, azzò vedesseno le forze
Le gente, ch'a bedere erano corze.

Vedenno Sarchia lo puosto pigliare
A tutte quante li anemmicc suoie,
Nne nattemo llà fece carriare
Diece cannone da caualle, e buoie.
E' resolutò de volè mannare
A terra le muraglie, e affi li puoie,
Facette fà na mano de trencere,
E pò aruoliare le bannere.

E men-

E mentre faceva fà no paueglione
 Co cierte cuoiere, che fuino de cuocchie,
 Eccote nnante ad' isso no guarzone
 Venì cò cierte fecatielle, e truocchie;
 All' autà mano hauea no carrafone
 De vino, che faceva lagremà l' vocchie;
 E comino fù becino se ncrinaie,
 E chelle cose a Sarchia appresentaie.

Disse, bonnì signore Sarchiapone,
 Lo Rrè Certiglio te vasa le mauo,
 Ed' azzò facce na collatione,
 Te manna chiste fecatielle, e panc:
 Pigliaie, e non fà scuorno a lo patrone,
 Cà te le ghiortarrille sane sane,
 E chello ccà de stò carrafonciello
 Te lo manna lo signo Coceniello,

E porzi dice, che nò l' hagne a male,
 Si songo poco, e pareno de niente;
 Ca la gioia cchiù picciola cchiù bale,
 E a gran Signore picciolo presiente,
 E si puro sò nzipete de sale,
 L' hà fatto, ca le pareno sacciente
 Chiste compagne vuoste, e si n' haurite
 Sale, pè ncoppa nce lo mettarrite.

Pò se ne iette, ed' à rengратиare
 Mannaie Sarchiapone à chillo Rrè;
 Pò disse, Cierito chillo vò gabbare,
 Conform' hà fatto all' aute, accossì a me;
 Ma Marzo ne l' hà raso, e smafarare
 Lo voglio buono sì da vero à fè,
 Ca chi vò nfenocchiare à Sarchiapone
 De sale vò maguà no galione.

E no

E non se penza , ca songo a quarch' vorto
Nato , ò cà songo nzemprece pacchiano ;
Ca so nato , e cresciuto mmiezo Puorto ,
E d'isso cchiù me valeno le mano ; (to,
Oie, ò craie vedarriño, chi hà cchiù tuor-
E chì haue cchiù lo celleuriello sano ,
Se isso, che me manna a ntossecare ,
O io, che chesto mò manno a ghiettare.
Già se lo sospetaie, ca ne'era mbruoglio ,
Ma non pè chesto se spantaie de niente ,
E de carta pigliaie no miezo fuoglio ,
Ch'era lettera scritta de pariente ,
E fece cò l'arruffo n'arrauoglio ,
Pè non se fare prodere li diente ,
Pò disse a duie compagne li cchiù care ,
Che lo jessero subbeto a ghiettare.

Le venne nnanze Peppo, e lo Dottore,
Ed' a chill ne deze lo penziero,
Venne venenno pò Tonno da fore,
Ch'era de li cavalle trommettiero,
E sentie de l'arruffo no grà addore,
E se nce conzegnaie cò lo penziero;
E ghiette a chiste duie retomane
Pè se piglià l'arruffo, e chello pane.

Commo fuino arriuate a la marina ,
A na chiaueca llà fuino accostate,
Tonno cò lloro priesto s'abbecina,
E disse , è meglio che ve lo magnate ;
Ca starrite diune stammatina ,
Pe fi che non ce fimmo arrezettate :
Peppo gia tenne mmano , e lo Dottore
Disse, Frate chest' hà no buono addore:

Quasi

Quase volennu di 'nchillo lenguaggio
Copertamente : lo me lo magnarria ;
Disse Peppo, No scuto mo'nce'nguaggio,
Ca morarrimmo tutte pe la via,
Non dobetare (disse Tonno) ch'aggio
No cierto agniento a sta guarnera mia,
Che lo figlio de masto Gianantonio
Me l'ha mpattato contra lo demmonio.

Buono sarria (a Tonno tanno delle
Peppo) mentre haie che st' agniento tuo ,
Ma si nzentore a Sarchiapone iesse ,
Che no offeruammo chist'ordene fuio ;
Abbesognante , che me ne fuiesse :
Ed isso disse , da mò me ne fuio ;
Si tù , che si de cuorno sonatore ,
Ma non nuie , che stimammo assaie lo nore

Lebbrecaie Tonno , e disse , comm'a di e ?
Non songo comm'a buie , e niente manco ?
Dislero , ciento vote pe morire
Simmo , mentre sta spata stà a lo shianco :
Tù dice , ca n'è niente lo fuire ,
O bella cosa si fuio , ed'arranco ,
Che se dice de vno mancatore ,
Che prōmette , e nò attenne ? e tradetore ,

Ma à te non t'è bregogna , figlio mio ,
Si fuie , perche si no trommettiero ;
Guarda si fosse lo Dottore , ò io ,
O quarche Capitano , ò Arfiero :
Vno na vota , che se ne fuijo ,
Iette a cauallo ncoppa à no sommiero ,
E pè tutto lo campo fù frustato ,
E restaie nzempeterno sbregognato .

Hora

Hora lassammo i tanta parole ,
O meglio,ò peo,nō m'haggio da'nzorare,
Cà faccio cierto, cà nullo me vole ,
Perchè non pozzo propio apparentare:
Io haggio no prodito a cheste mole,
Volimmo, frate mio , priesto magpare ?
Tanno respese lo Dottore, siente,
A me puro mè prodeno li diente.
Tu perzi (Peppo disse) pare c'hagge
Dell'aseno, Dottore mio polito.
Sì cà tu puro de famme no arragge,
E peo de nuie haie mmocca lo prodito :
Nce deuatrissi fà li veueragge,
Ca te perzoadimmo a sto commito ,
Illo disse, l'agniento sù pigliammo ;
Azzò nuie ntossecate non restammo.
Subbeto Tonno cacciaie n'aruariello ,
Che pareo , che ncè fosse torriaca,
Ogn'vno lesto , co no sprocchettiello ;
Se ne pigliaie quanto n'anciello caca ;
Ma llorò non sapeuano, ca chello
Nò le iouaua manco na faraca,
Ca non era venino , ma no ncanto,
Che l'hauea fatto no gran Nigromanto,
Lo quale primmo fuie stodiante
De no Lettore , che leiea nParise,
E pò co cierte gente de Leuante
Prattecaie mute inorne, e mute mise,
Era tanto valente co li ncante ,
Che faceua trouà l'huommene mpise ;
E nfine hauea vertute cchiù de ciento,
Perzi de trasformà n'oro l'argiento.

Schi-

Schiroffo se chiammaua , e facce, e fice
Era, e no gran trellegna, e ciento facce ;
Hommo, che pè no tuocchio, e na rarice,
S'hauarria fatto arrappà li mostacce ;
Hommo, che tradarria duciento amunice
Pè tre decinco, ò pè due sanguinaece ,
Ma si ncè n'è quarcuno colarino ,
Te mprommette de fà del'acqua vino.

Tanno propio voleuano ricignare
A dà prenzipio a la collatione ;
Peppo , che lo schifuso steta a fare,
Hauca allummatò lo meglio voccone,
E a lo compagno le voleua dare
No piezzo , commo fosse de premmonc :
Isto respòse , Pare , che l'addore
Io vuoie, che n'haggia, e tune lo sapore.

E contrastanno, chi lo fecatiello
Meglio s'hauesse de lloro a magnare ,
Vedero llà venì no vuzzariello,
Che na figliola portaua a sbarcare :
Vno de lloro disse, sto douiello
Me pare, che l'hauessemò a leuare ;
Chiammāmo chesta, che ste robbe sparta ,
Primma che da sto luoco essa se parta.

Tonno chiammaie, ei femmena da bene
Vienence sparte a nuie cheste coselle,
Essa ridenno priesto se ne vene ,
E dà ped'vno primma tre panèlle ,
Pò pigliaie chell' arrusto, e disse tene ;
E tù te piglia cheste, e tune chelle,
E cossì pò restaieno sodesfatte ,
E commenzaro a sbattere da matte.

Ma

Machill' arrusto era già itato fatto
Da faifarella, che pozza scriare,
Che subbeto facea l'hommo de fatto
Nell'anemate ch'era trasformare:
Tre de chelle n'erano de Gatto,
Tre d'Vizo, che faceano Vizo tornare,
E l'autre tre de l'ieci ro lanuto,
Che l'appe l'ouno mparte foia hauuto.
Ma ne besogna chiste cca lasare,
Mentre stanno magnanno allegramente,
Et a lo Capo l'oro retornare,
Che s'era arrecettato cò le gente,
Era passata l'ora de magnare,
E lo Sole scennea mmiero Occedente;
Ma Sarchia, c'hauea neuorpo no portante
Pè smorfire chiammaie tutte quante.
Era già setta de lo paueglione
Seduto co na tauola riale,
Ne' erano doie galline, e no capone,
E nerofione robba cò le pale,
Quanno s'allecordaie Sarchiapone,
Ca l'eppe hauea stipato cierto sale,
E perche n'era a chell' hora tornato,
Senza sale le robbe appe magnato.
Ogn'vno assaie mmaraucgliato steua,
E no le dicea core de magnare,
Pè tutte le barracche ogn'vno ieua
Cercanno pè potè l'ammice ashiare,
Già Sarchia tanno coimannato haueua,
Che la trommetta s'hauesse a sonare,
E bedde, ca mancaie no trommettiero, (ro.
Isso ntraie cchiu'nsospetto, e cchiu'npèsie
E men-

E mentre stea colereco, e stizzato,
 Vedde venì no Gatto soriano,
 E n' Vrzo, ch'era de panne nfasciato;
 Ch'la uaua da fore la capo, e na mano,
 Appriesso le veneua no crastato
 Cò quatto corna, e ghieua chiano chiano,
 La coda longa che la strascinaua,
 Che la parola sulo le mancava.

Ntraieno tutte a chillo paueglione,
 Doue stea Sarchia penzuso penzuso,
 Gatto era Peppo, e Tonno caperrone
 Vrzo nfasciolla lo Dottò Vauuso:
 Ietreno a fà carizze a Sarchiapone:
 Ma isso non stea niente paura:
 Ma sulo mma raueglia se faceua,
 Commo dell' aute cchiù carizze haueua,

Se mmagenaie subbeto lo mbruoglio
 De che manera a lloro soccedette,
 Volanno fece llà no quarto d'voglio
 Venire, e chello a beuere le dette:
 Pò canoscìe l'Vrzo a l'arrauuglio,
 E a lo colore pò de le cauzette:
 Ma chillo Gatto nzino le sautaie;
 E la facce, e la vocca le leccaie.

Chello sale, che Peppo hauea stipato
 Se stemperaie pè tutte le perzone,
 E tutto quanto deuentaie salato
 A chella lloro trasformatione;
 E da chesto appe pò conziderato
 Cà era Peppo chillo, Sarchiapone:
 E perche hauea lo sale a la guarnera
 Perzò salato deuentato n'era.

N con-

22 CANTO SECVNNO.

Nconzequentia tiraieno , ch'era Tonno
 L'auto, e stea zitto, e chino de paura,
 Ma cierto chesto sapere non ponno,
 S'era perzì mmattuto a la fattura,
 Cierte Martino chiammare lo vonno,
 E isso stette zitto, e pò spapura,
 Mà da dereto, doie ventosetate,
 Che parzeno de cuorno doie sonate.
 Cò chesto Sarchia fuie buono chiaruto,
 E accorato muto se mostraua,
 Stette no piezzo commo fosse muto,
 Pè parte de parlare sospirana:
 Pò disse, nullo reite sbagottuto,
 Compagne mieie, cà correre la laua
 Volimmo fa de sti nnemmicce nuoste,
 Si state tutte, comin' a brece, tuoste.
 E subbeto ordenaie, che se iettallè
 No banno, che schiaranno la matina
 Ogne sordato lesto se trouassè,
 Pè dà a Cerriglio l'vtema roina;
 Spèzaie denare a ogn'vno, azzò magnasse
 Già che la notte a lloro s'abbecina,
 Pò se ietteno tutte a reterare,
 Pè penzà buono, ch' haueano da fare.

Scompetura de' lo secunno Canto.

ARGO-

ARGOMENTO.

Cerriglio na gran musca fà fare, (pa
 Rièzo s'addorme, e subbetto nce'ncap
 Cecca se ne ncrapiccia, e de sbignare
 Ncognete se eōfarfa, e fà che scappa:
 Se ne sfilano nstotta; cà sonare
 Fà Sarchia à la battaglia Taratappa,
 Cicco vedeano Cecca sta attaffato,
 Ed è da chella à n'aruolo legato.

CANTO III.

CErriglio stea sorriesseto, e spantato;
 Cà l'era stato curto lo ieppone,
 E de collera stea miezo malato,
 Cà non potte cecare a Sarchiapone;
 Tutte li conzigliere appe chiammato,
 Che facesseno lloro' uicisione,
 Commo potesse fà, de che manera
 Piglià de Sarchia la meglio bannera,
 Venne Mostaccio, venne Sapatino,
 Venne Gianfaruo, ch'era lo decano:
 E commo fuino a chillo Rrè becino,
 Le fece ogn'vno lo suo vassainano;
 Sedieno ntorno de lo bardacchino,
 Ma lo cchiù bieccchio a la dritta mano,
 E pò parlaie lo Rrè cò grauetate,
 Marnafo ufacce, e scarze de piatate.

Vuie,

Vuie, che sapite cchiù de letterumma,
De quanta songo pratteche a le scole,
E l'autre a paro vuosto so la scumma,
Tanto de fatte, quanto de parole,
Pocca li fecatielle cò la mpumma
Non hanno dato fastidio a le mole
De sto nnemmico, che me face guerra,
Anze l'ha ntossicato cchiù la sfera.
Vorria mò che penzasseuo quarcosa,
Mà nnanze d'aspettare la matina,
Che, si chillo presiento è stato rosa,
Le vorria dà na ntossicosa spina;
Potessemo na lettera ammorosa
Mannà da parte de qu cche guaguina;
Azzò se'nnammorasse, e ccà benesse,
Et io tonnina d'isso pò faceffe.
Potessemole fa, pè bia de ncanto
Venite suonno, e farelo dormire,
O cò quacche strommienro, ò cò lo canto
Farelo ccà becino mò venire;
Ca le farriamo tutte tanto, quanto
Potessemo, pè farelo morire;
E si non potarraggio homanamente,
Chiammarraggio de Pruto la soa gente.
E farraggio, che n'aiero volanno
Portano Sarchia pè chille capille,
E chelle gente, che cò isso stanno
Zeffonno rranno tutte a mille, a mille,
Che de paura schitto morarranno,
E no le iouarrà chianto, nè strille;
E cossì pò starraggio allegramente,
E camparraggio sempe maie contente.

Tutte

Tutte li Conzigliere confermàro
Chello, che proponie lo Capo lloro,
E nnante nnante volanno chiammaro
De sonature, e musece no choro,
Pò no cierto barchetto accommenzaro,
Che pareva iusto no lietto martoro,
Cò cierte doche ch'erano de votte,
Che steano nterra fracassate, e rotte.
Vennero cierte musece famuse,
Cò no conzierto, ch'era de gran spanto,
Pe fare li nnemmicc assaie confuse
Restare, cò lo suono, e cò lo canto;
Portaieno chitarre, e cornamuse,
Cetole, e colasciune, e nfine quanto
Lloro potteno ashià, pe fa conzierto;
Azzò restasse ogn'vno canna apierto.
Venne nfrà l'aute l'Abbate Crauone,
Co no fauzetto muto dellecato;
Che ghieua a tiempo cò no violone;
Che lo sonaua no cierto cecato,
Lo bascio lo faceua Pascalone,
E lo tenore no vecchio sbaruato,
E pè fare na musca perfetta,
Lo cornetto sonaie piasto Brachetta.
Le gente mò, che steuano a la terra,
S'appilaieno l'arecchie de vammace,
Azzò lloro mmedeseme la guerra
Non s'hauesseno data, pè la pace:
Pè li casuorchie ogn'vno pò se nzerra;
Pè s'astènè da chello, che piace,
E pò accommenzaieno muto buono
No canto doce, e no soaue suono.

Ma Rienzo ch'era iuto chella sera,
Pè soa ventura, e pè soa bona sciorta;
De lo nnemmico all'vtema trincera,
Pè bolè fà la sentenella morta;
Quanno sentie na musca sì autera,
De lo suonno issò tozzolaie la porta,
E s'addormie bello snlo sulo,
Che le potiue fà la sauza nculo.
Tanno lo Rrè la ronna soa mannaie,
Cercanno, si quacchuno era venuto;
Quanno no Caporale s'addonaie
De Rienzo, che stea nterra già addormuto
Subbeto bello bello s'accostaie,
E lo cotoliaie, ma issò iuto
Se n'era già'mbrodetto, e llo ro ncuollo
Se lo ntorzaieno, e ghieno à rompecuollo.
Commo vedde lo Rrè chillo venire,
Se penzaie cierto, ch'era Sarchiapone;
E steua lesto pè lo fà morire
Dinto de lo cchiù scuro torrione,
Priesto no cremmenale fece aprire,
Et addormuto lo mettie mpresone;
Ma pò addonato, cà non era chillo;
Lo fece sta'ngaiola comm'a grillo.
Quanno Rienzo se vedde mpresonia,
Gridaie, e fece cose mmaledette,
Ch'ogn'vno, che passaie pè chella via
Tutto mmarauegliato remmanette.
La figlia de Cerriglio, che la spia
Facea, sti strilletorie sentette,
E boze j pè coriofetate,
A bedè Rienzo da le cancellate:

lette

Iettè cò duie guarzune de librerà (to,
 Nnàte, & ogn'vno hauea na ntorcia à biē-
 Ionze a lo luoco, addoue Rienzo era,
 E le die nfacce n'afeto de liento,
 Lo vedde nfacce, e canoscìe a la cera;
 Cà llà dinto pateva muto trommientò,
 E pò tutta piatosa addommannaiē
 A Rienzo, sī pateua pene assaie.

Issò disse, Signora ccà me trouo,
 Non faccio commo, e senza fare malē;
 A lō mmanco sapessē, commo prouo
 Sti guaie, senza fare manco sale;
 Io da chist' Vocchie affritte sempe chiouō
 De lagreme de sango no canale;
 Perzò, se Dio te guarde ssa bellezza,
 Non me fa stà cchiù dinto a sta mōnezza;

La figlia de lo Rrè, che se chiammaua
 La signa Cecca, & era muto bella,
 Lo desgusto de Rienzo le passaua
 Lo pietto à funno nfi' a la coratella;
 Horamaie essa puro lagremaua,
 E bolentiere a chella cammarella
 Ncè sarria stata, pè fà compagnia
 A Rienzo, che n' haueua fantasia.

Pò se partette, e disse, Allegramente;
 Cà manco ne' haie da stà, che ncè sī stato;
 Cà te tengo stipato a chesta mente,
 E farraggio, che singhe scarcerato;
 Issò la ngratiaie nfenitamente,
 Ch'era stato da essa visetato,
 E tutto quanto alliegro se restaie;
 Ma cchiù de chella vista se preiaie.

Ma Sarchiapone , ch' hauea già mannato
 A chillo luoco , addoue Rienzo steua,
 No cierto prattecone , e bnon sordato ,
 Pè scanagliare chello che faceua ,
 E comm' a chillo luoco fù arriuato ,
 Sporgaie, e nullo propio responneua ,
 Pò parlanno attentaie , e pò s'acosta ,
 Ma nullo tocca , e da nullo hà risposta.

Subbeto fece, che Sarchia sapeffe,
 Ch' hauea trouato lo puosto vacante ;
 Conzidera tû mò, ch'arraggia haueffe,
 Non trouanno vno de li meglio nfante ;
 Mannaie a dire, che non se partesse,
 E che se stesse fi a ghiuorno vegliante ,
 E si puro sentesse na cosella ,
 L'auisa priesto all'auta sentenella.

Ed' à chell' hora mannaie a zitare
 L'aserzeto nnemmico pè l'assauto ,
 Ch' all'arba se voleuano prouare ,
 Chi de lloro facea cchiù gruosso sauto,
 Coceniello mannaielo à ngratiare ,
 Ch' era prunto cò isso, e cod' ogn' auto,
 E pò se mese ogn'vno à la veletta ,
 P' aspettà stò fracasso , e stà mennetta.

Ma Cecca , che se steua sola sola ,
 Penzanno à Rienzo, che l'hanea allūmato ,
 Commo potesse fà, che da gaiola
 Fosse, pè nnustria soia scapolato ,
 Se chammaie a chell' hora na figliola ,
 E l'appe lo negotio cortato,
 E pò appontaro de fare a lo scuro
 Rompere de la carcere lo muro.

E prie-

E priesto a bascio chella soa zitella
Manna à piglià no cuofano , e na pala,
Vna de lloro fece lo parrella,
L'auta facea la spia da la sala,
La quale steua rente cò la cella,
A lo sboccare iusto de la scala ;
E pò ch'appe lo muro spertofato ;
Subbeto cò la pala appe annettato.

E Rienzo priesto da chillo mantrullo
Scette preiato, e chino de paura ,
Che pareva iusto no piccione, ò pullo ,
Quann' esce nfuso da na banna scura ,
Pò lo portaieno dinto a nauto rullo ,
Adaso adaso attentanno le mura ,
Appriesto a n'auta cammera arriuaro,
E nzembra tutte trè llà se nzerraro.

E subbeto volanno apparecchiare
Fece pè Rienzo na collatione :
Isto dicea cà non volea mangiare,
Ma puro se smorfie no gran capone :
Pò tutte trè se meseno à parlare
De lo echiù, e de lo mmanco, e ncrosione
Se conzegliaro de se ne fuire ;
Ma non sapeano commo fà , pe scire ,
S' haueano confarfate de sbignare
Vestute d'arme, à foggia de sordate,
Nnante che l'arba venesse a schiarare
De lo munno li viche, cò le strate,
E nfrotta se voleuano mmescare
Coll'aute, pè non essere trouate
Pè ghiresenne a stare a nauta terra ,
Azzò stesseno mpace, e senza guerra.

B 3 Ma

Ma l'asferzeto già s'era allestuto
 De lo gran Capitanio Sarchiapone ;
 E mmiezo de lo campo era già sciuto ;
 Et hauea fatto no gruosso squatrone ;
 Ogne sordato s'haueua mettuto
 L'arme cchiù meglio, e le cose cchiù bone
 Che chillo campo pareva d'ogne parte ,
 Che fosse lo gran puopolo de Marte.

E commo steua pe schiarare iuorno ,
 Subbeto commannaie , che se sonasse
 Lo tammurro a battaglia co lo cuorno ,
 E lo nnemmico a lo campo chiamasse ;
 Coceniello mò iea mperzona ntuorno
 Azzò ch' ogne sordato suo s'armasse ,
 Ma commo fù scetato lo vesbiglio
 Sulo l'ordene aspetta da Cerriglio.

Quando vediste no ponte calare
 A na portella picciola, e segreta,
 Da doue n'hommo buono solea ntrare,
 Pè bennere a Cerriglio certa seta ;
 Da llà vediste na squatra sboccare
 De gente armata , e ghiea muto coieta,
 Pè non fare vedè a la sentenella
 De lo nnemmico la fauza portella.

Chiste ieuano a fare la mmasciata ;
 Da parte de Cerriglio, a Coceniello ;
 Ma cò sta gente già s'erà mbrogliata
 Cecca, la serua, e Rienzo pueriello,
 E commo fuieno mmiezo de la strata ,
 Se n'addonaie de Sarchia Menechiello,
 E subbeto nne nattemo, e bolanno,
 Sarchiapone auisaie tanno pè tanno.

Sar-

Sarchia spedette la gran compagnia
De Cicco, ch'era pratteco a sparare,
E disse, che bolasse pè la via,
E chelle gente iesse ad' assautare;
Mà Rienzo, e Cecca haueano fantasia
De bello bello volere lassare
A chella gente cò quacche bell'arte
Pè potere sbignare à nauta parte.

Commo fuieno vecino a na fontana
Se la couzero bello, zitto, e mutto,
E pò s'annasconettero a na tana;
Doue venea dell'acqua chillo butto,
Ma ncielo le compagne de Diana
Se ammirauano dintò a lo connutto;
E lloro steano llà tenenno mente,
Ma da dereto sentieno gran gente.

Rienzo voze fuire, ma non potte,
E le femmene puro s'agghiaiaro,
Perche de fatto fuieno le botte,
Ch' appena le celate se calaro:
Le lanze lloro erano meze rotte,
E de paura manco le toccaro:
Ma sotto a n'vrmo s'erano agguattate,
Che pareuano trè quaglie pelate.

Cecca s'addona mò, ch'a no pantano
La notte nc'era iuta la ielata,
Essa llà s'accostaie chiano chiano,
E bedde, cà chell'acqua era quagliata:
Se mese chella a la mancina mano,
Pè brocchiere, e pigliaiese la spata;
E pò priesto a cauallo fù sagliuta,
E sola lo nuemmico essa secuta.

Quanno Cicco se vedde secutare,
Subbeto s'allestette pè mmeistere,
Ma se sentette pò tutto agghiaiare,
E parze a isso cà volea morire,
Pè isso non mancaie de sbignare,
Ma non se potte no passo partire,
E Cecca le fù adduosso cò la spata,
Fegnenno de le dà na cortellata.

Isso iette pè ghire à lo reparo,
Mà non pè chesto l'hauarria iouato;
Ca si essa le dea schitto no paro
De scenniente, restaua llà spaccato;
E lloco visto hauarriisse no maro
De sango, co le lagreme mmescato:
Ma chelle gente, che cò isso armate
Ieuano, fuieno tutte sbarattate.

Lo fatto fù, perchè chella rotella
Trasparea, comm' à britto p'ogne banna,
La celata s'auzaie, e pò cò chella
S' ammarraie la facce, co la canna,
A Cicco le parette tanto bella,
Che perzò ne trémaie, comm' a na canna;
E quanto cchiune a isso s'accostaie,
Cchiù friddo, e ntesecato se trouaie.

Pò essa se cacciaie da la scarzella,
Pè legà Cicco a no cierto troncone,
Fì a quatto parme de na funicella,
Ch'era sfilata da lo capezzone,
Pò-lo legaie, e pò l'appese chella
Tareca faccefronte à no pontone:
Pò disse, che da llà non se partesse
Nfi che lo iaccio strutto non vedesse.

Pò

Pò se ne iette pè bedè à lo luoco ;
 Si ne'era Rienzo, addoue lo lasaie ;
 Ma Rienzo ardette d'ammoruso fuoco ,
 Quando da Cecca lontano s'ashiaie,
 Iette p' ognè pontone, e lùstro, e bruoco,
 Che manco no casuorchio nècè lasaie ;
 Elsa arriuata llà non ce lo treua ;
 Conzidera tù mò stà bona noua.

Ma Carmosina pò quanno vedette
 Rienzo àmarciare appriesso a la patrona,
 A camminare subbeto se mette,
 Mà non trouaie manco na perzona :
 Arriuaie a lo maro, e llà se stette ,
 Pèd'aspettà quacche fortuna bona :
 Elsa chiagnenno da na banna steua ,
 Cecca da nauta , e Rienzo spierito ieuà.

Scompitura de lo terzo Canto.



A R G O M E N T O.

S'affrontano l'aferzete, e fracasso,
 E gran streuerio ntrà de lloro fanno
 E pò, ch' ognuno è ashieuoluto, e lasso,
 Tregua se face, e à retirà se vanno.
 Cerriglio, c'hà sentuto lo grā schiasso
 De lo nnemmico, se resorue tanno
 Mannà Schiroffo, ch'autre' mbroglie
 tramma,
 Issò nce và, ma pò se scopre a ramma.

CANTO IV.

M Asto Titone s'era già affacciato
 De lo Cielo a na certa fenestrella ;
 E la mogliere haueua llà portato
 De cauce molla zeppa na tenella :
 Perche Febo l'hauea tanno ordenato,
 Ch'vno de lloro fosse lo parrella ,
 E l'autro, cò no scupolo pigliasse
 La cauce, e lo palazzo ianchiasse.
 Quanno vediste le gente affrontare ,
 Pè se mbrognoliare li caruse ,
 E de sango vediste llà tornare
 Le capo rosse , e li vestite nfuse ;
 Lo greciello, li strille , e lo fiscare ;
 Faceano li sordate cchiù anemuse ;
 Ma chelle botte de le cannonate
 Le faceano tornà tutte cacate,

Li tammurre sonauano, e li cuorne,
Li caualle correuano a mmeistere ;
Ch'auto non se vedea pè li contuorne ,
Che gente morte, ò puro pè morire :
L'afficiale faceano gran scuorne
A chi se consaruaua pè foire ,
E pò, cò certe belle parolette ,
Le pegneano lo nore a le mennette.

La porua cò lo fummo n'aire ieuà,
Che facea deuentà lo iuorno notte :
L'vno cò l'auto tanto se vedea ,
Quanto lucea la vampa de le botte ;
No vesbiglio dogliuso se sentea,
Che pareva chillo de l'aterne grotte :
Chì chiagneua feruto, e chì arraggiato
Morea da li caualle scarpisato.

Chì a la mprouisa se sentea schiaffare
No grisuommolo acieruo a li filiette ;
E chì a la facce se sentea ficcare
Na chioppa amara de nigre confiette ;
Chi se vedea ne n'attemo nauzare
Da sordatielle a quarche affitio aliette,
E chi da Capitanio se vedeua
Muorto, quanno cchiù manco se credeua.

Llà bediue cadè na pettorata ,
E scamazzaua na frotta de gente ;
Ccà sentine venì na moschettata ,
E t'accedeà n'ammico , ò no parente ,
Da n'auta banna na saglioccolata
Te sentine a le chioche , o a li morfiente
E se sentea mmescato p'ogne canto
Botte, strille, fuscate, allucco, e chianto.

Mò vediue cadè no tammorino,
Pò fuì no cauallo scapolato,
Mò te vediue la morte vecino,
E pò da lo periculo' scappato;
Lo sango iea pè terra, comm' à bino,
E pè tutto ncè stea allauaniato',
E nfine nulla parte nc' era netta,
Ma ucè potiue i co la varchetta.

La vattaglia era nterra, e pareva iusto,
Commo se fosse fatta mmiezo maro:
Pareua ogn'vno, che pesasse musto,
O pè di meglio no sanguinacciaro;
Ccà vediue afsommà no miezo fusto;
Llà de capo, e de vraccia quacche paro:
E bediue sautà le celleurelle
Da capo à li sordate, comm' ascelle.

Ma chi pò tutto quanto stò remmore
Contare commo proprio soccedette?
Abbesognante, che fosse Dottore,
Comme sò ciente caca pozonette;
Che pè da ccà, e da llà fanno l'ammore,
E se stirano ogn'hora le cauzette,
E pe parte de tieste stodiare,
Stanno ogn'hora la faua a ghiodecare.

Perzò le faccio mò ccà reterare,
E fare tregua pè bintequatt' hore;
Perche non se pò proprio contare
Sto sollenne, spantuso, e gran remmore,
Ogn'vno se facette mmedecare,
E patette no duppio dolore:
Ma ciente, che restaieno co le bite,
Jeano adunanno li tagliere, e spite.

Ciente

Cierte aute mò faceano lo catasto

De chille muorte ped'ogne pontone ;

Ma ntrà lloro ncè stea no capo masto ;

Che le mannaua cò lo carrettone,

E chille le portauano pè pasto

De na montagna a no gran cannarone ;

Ma chill'aute se ietteno a mutare,

E fà resegna, pè s'arrecettare.

Feceno cunto, dicedotto muorte ,

Sette ferute, e cinco mbrognolate ;

Ma duie Arfiere co li piede stuorte

Restaïeno , e le bannere sdellenzare,

E da la banna de Cerriglio , fuorte

Tutte, e baliente s'erano mostrate :

Ma non pè chesto lo sio Sarchiapono

No l'acconciaie buono lo ieppone.

Ma vedenzo lo Rrè , ca lo nuemmico

Era no tuosto, e no proffediuto ,

E cà non se curaie , cà comm' a fico ,

L'hauea fatto tornare lo caruso ,

Se tornaie a chiammare chill' ammico ,

Che fece a Sarchia restare confuso ,

E disse , che facesse nnante sera,

Nauta fattura de nauta manera.

Ma Gianfaruo, ch'è accuerto conzigliere ,

E maie non se parteua da Cerriglio ,

Pè n'essere tenuto da sommiere ,

A lo Rrè dette n'ottemo conziglio ,

E disse ; Io pè mè songo de parere ,

E ve lo dico, comm' a frate , ò figlio ,

Ch'a Sarchia le mannassemo a parlare ,

Pè chisso, che lo mbruoglio hà da trattare ,

Io

Io dico pè Schiroffo, che sà tanto
Parlare buono, ed'eie muto spierito ;
Non fulo , ch'è no brauo Nigromanto,
Ma a zzò , che dice rieste canna apierto ;
E si non nce iouaie l'arrusto , ò canto
Cò isso , non perrò me pare cierto ,
Cà nce nneuenarrimmo chesta botta
Cò mannarele a di na paparotta.

Mannammolo a'nfoscà de sta manera ,
Cò dire, ca volimmo fare pace ;
Fuorze, vedemmo quacche bona cera ,
Se lassasse, pe fà quanto ncè piace :
De chesto no aspettammo à fi sta sera,
Mannammontillo mò, si non te spiace,
Lo Rrè respose , Stò penziero è buono ;
Autò che fecatielle , e canto, e suono ,
Subbeto commannaie, che fosse into ;
E isso priesto ad'obedire iette ,
E disse, lo deuentà commo paputo
Lo voglio fà , co cierte parolette.
Va (lo Rrè disse) e singhe muto astuto ,
Se vuoie, che gente a te faccia sogette ;
Isso volanno priesto s'abbiaie ,
E nnante a Sarchia subbeto arriuaie.

Ionze a la porta de lo paueglione ,
Addoue Sarchia stea cò muta gente ;
E disse, ò schiauo signo Sarchiapone ,
Lo Rrè s'arrecommanna grannemente ,
E dice, ca pè nuitto campione
Te tene , e pè no gran' hommo sacciente :
Poeca te sì mostrato valoruso ,
Ch'isso è rommaso attonnato, e confuso.

Cca

Ccà m'hà mannato , azzò vossignoria.

Saccia, quanto è lo bene , che ve vole ;

Ca l'è benuta mò na fantasia

De ve dì de mportantia doie parole ;

Isso si stesle buono, ccà sarria

Venuto, mà le doleno le mole,

Et haue no catarro cò na tossa ,

L'vossò a lo pede , e no dolore a l'ossa.

Facitela da chillo , che buie site,

E nò ve demostrate cotecone ;

Cà si a Cerriglio pe n'hora venite ,

Hauarrite gran gusto, e sfatione,

E pè no piczzo nò ve partarrite ;

Perche la doce commerzatione

De lo signo Cerriglio è tanto cara ,

Cchiù che n'è lo pignato a la cocchiara.

Io venarria muto allegramente ,

(Respose Sarchia a chillo mmasciatore)

Quanno potesse portare ste gente ,

Che nguerra m'hanno fatto tanto nore ,

E l'hauarria a caro grannemente

Mostraremelle ammico, e seructore ;

Ma ad issò (nquanto vco) muto le piace

La guerra, ed è nnemmico de la paec.

E quanno le mannaie chella mmasciata ,

Ca volea cò lo buono llà benire ,

Me mannaie issò a fà na sbrauiata ,

E non me voze le porte raprire ,

Che fuie forzato de stare a la strata

Na notte, e bello llà fore a dormire:

Mà si me faceva ntrare chella notte ,

Non sarriano soccesse cheste botte.

chello

Chello, che pè fi mone è ntrauenuto,
 Maie cchiù creò ca farrà da oie nneante,
 Perche lo Rre v'hà buono canosciuto,
 Meglio, che nò ve canoscena nnante,
 Crediteme, ca tutto s'è stoputo,
 Venitence, ma non cò tutte quante
 Chisse sordate, ma cò vno, ò duie
 Chille, che li cchiù care songo a buie.

Perche la moltitudine de gente
 Fà gran confusione addoue vanno,
 E quacarcuno, pè se fà valente,
 Farria quacche pazzia tanno pe tanno,
 Zoè se mostraria mpertendente,
 E darria a quacche d'auto lo malanno:
 Ma pè lenà sto scannalo, me pare,
 Che st' aserzeto ccà s'hauesse a stare.

Io non sò pe benì, manco no passo,
 Senza ste gente, che stanno cò mmico,
 E non me curo niente de stò spasso,
 E de sta afferta de stò Rrè nnemmico,
 Io sulo vastarria a fà fracasso
 De lo Cerriglio, e ghiusto, comm' à fico
 Me gliottarria, quann' io propio volesse
 Chiste sordate, ò puro comm' allese.

Schirofso stette zitto, e pò respòse,
 Pè dà viento a la vela, azzò parlasse,
 E disse, io faccio buono, che le cose,
 Che buie penzate, fanno gran fracasse;
 Ma sempe è buono à dà cchiù priesto rose
 Che spine, e pace ncagno de sconquasse;
 Malsema a chi pò dare tutte doie,
 Così s'acquista lo nomme d'Aroie.

Laf-

Lassammo ire tanta chiacchiarelle.

Dimme, si stato tù lo nigromanto ,
Che ncantaie l'arrusto, e le pannelle ,
E li strommiente, co lo doce canto ?
Si me prommiete de non me dà pelle ,
(Schirosso disse) io te confesso quanto
S'è fatto, chi è stato, ed' ogni cosa,
Puro ch'io stia sicuro de na ntosa.

Anze te voglio dà no buono fatto ,
Si me dice ogni cosa , e non mazzate.
Tanno respose, e disse, Io l'haggio fatto,
E pè me chille se sò trasformate ;
Pè tè le fece, e non me venne fatto ,
E pè parte de te, l'auta ncappate
Ncè fuino ; e tanno lo Rre me commette
Che quacched'auta cosa io te facesse.

Tanno respose Sarchia, Tu me pare
Che singhe no grand' hommo vertoluso ;
E se sosie , e corzelo à abbracciare,
Pò le mettie na mano a lo caruso,
E le dicette , Io mò te voglio fare
Lo meglio de st' aserzeto anemuso,
Si tu me faie tornare comm' a primmo
Chiste compagne , e tutt'vno farrimmo.

Isso respose, Io nò lo pozzo fare ;
Perche non haggio chello, che ncè vole,
Lo Rrè sulo le tene, e tanto care
Che no le fà vedè manco a lo Sole.
E comm' a dire non se ponno ashiare ?
O longo erue , o sò prete, o sò parole :
Perche a lo munno sulo ste trè cose
Le gran vertute teneno annascole.

E' lo

E' lo vero dis'isso, mà de chello
Non se ne troua niente a sli païse :
Perche non eie grieco , ò moscatiello,
Che n'haie na meza pè cinco tornise.
Tu me farraie votà lo celleuriello :
Respose Sarchia, & isso tanno rise ,
Chesto securo sarrà quarche bino
De lo mmeglio che pare , e lo cchiù fino.
E bino, ma che bino ? è bino tale ,
Che lagrema de Somma , e de Garitte ?
Chestè brache salate ; tanto vale ,
Quanto vanno li Rrì cchiù de li gnitte,
Lo grieco , e la cerella manco sale
Non vanno , ca non songo vine schitte :
Ma chella llà se chiamma Maruasia ,
Che lo mmale fa ì pè nauta via.
Lo Rrè de chesto n'hà sulo na votte,
E la tene cchiù cara de la vita ,
Che non ne donarria mào doie gliorte,
Si le disse na perna margarita :
Perche a lo tiempo , che fuino le botte
Ntrà Gioue , e li Giagante , se fù vnita
La mamma, ch'era Cerere cò Bacco ,
Pò non hauere quacche gruosso smacco.
E tanno l'vno a l'auto se donaro
Cierte presiente de le terre llozo :
E Bacco , che maie fù quacc'hōmo auaro
Le donaie chella comm' a gran tresoro :
Et elsa dette a isso si à no paro
Dè spiche, che pareano iusto d'oro ,
Che quann' vna col'auta steua vnita ,
Facea l'hommo tornà da morte nmita.
E dis-

E disseno perzi, quanno figliava
 Cerere, a chillo figlio, che faceua;
 A chi de l'loro cchiù s'assemmegliaua,
 Lo nomme assemmegliante se metteua;
 No figlio fece, ch'ogn'vno spantaua,
 Et era ianco, e russo, e maie chiagneua,
 E tutto era la mamma speccicato,
 Che Cerriglio da Cerere è chiamato.

Sarchia disse à Schirosso, vuoince stare
 Cò mmico, cà starrimmo allegramente?
 Cà tu m'aiutarraie a conquistare
 Chesta cetate, e ste nnemmiche gente:
 E te prommetto de farete stare
 Sempe maie ricco, e sempe maie contente,
 Isso allummaie lo suono nterefsato,
 E se fù tradetore scommogliato.

Sarchia, che procedeva da signore,
 Alliegro steua, e grannemente amava
 Lo trademiento, e nò lo tradetore,
 E d'isso niente propio se fidava:
 Le faceva bona cera à tutte l'ore;
 Ma da li pare suoie se ne guardava,
 E ne stea pauruso tutto quanto,
 C'hauea paura de quacch'auto ncanto.

Scompetura de lo quarto Canto

ARGO.

A R G O M E N T O.

Rienzo quatto vecchiune fà agghiaiare,
 Che deano a Carmosina tentatione;
 Ma Cecca, che stà a chiagnere, e stril-
 lare,
 Cò la spata se passa lo premmone,
 Cesaro, che Schiroso v' à à chiammare,
 Mase, e Micco venciè. Da lo troncone
 Se scioglie Cicco, e pò piglia grād'arm
 Rienzos'accide, e Cecca se fa marmo.

CANTO V.

LA notte hauea spannute già l'ascelle;
 E ammarraua la luce p' ogni luocò,
 E ncielo steano mille cannelelle,
 Pè fa lustro lo Munno, ch'era vruoco;
 Rienzo, che ghica pè cheste bāne, e chelle,
 E non trouaua nè luoco, nè fuoco,
 Ma si è pe fuoco n'hauea tanto mpietto,
 Che nò le dea tantillo de recietto.
 Mò correua a la mpresa, e mò se stenua,
 No poco a quacche banna se fermaua,
 E nauto poco a selluzzo chiagneua,
 E nauto poco forte sosperaua:
 Non sapeua isso stisso addoue iena,
 Lo cauallo, e d'Ammore lo guidaua:
 Ma considera mò, commo guidato
 Era a lo seuro da chillo cecato.

Tanto,

Tanto, che fù portato da la sciorta,
 Doue stea Carmosina a no pontone,
 E la trouaie, ch'era quase morta,
 Ch' hauea da cierte gran tentatione.
 De chille nullo hauea la varua corta;
 Ma d'anne ogn'vno hauea no milione;
 Erano quatto, ogn'vno stea aggobbato,
 E Carmosina haueuano abbistato.
 Ma essa stea cò chille a contrastare,
 E tutta se sciccaua, e stea chiagnenno;
 Ma Rienzo, che la stea ad' ausoliare,
 Se pēzaie Cecca, e ghiette a l'ancorrēno,
 Canoscie Carmosina a lò parlare,
 Et isso se nzeccaie muto tremenno,
 E chille vecchie, vedennolo armato,
 Ogn'vno de paura fù agghiaiato.
 Rienzo arrācaie la spata, e ghiette adduosso,
 A chiste quatto vecchie nzallanute:
 Nullo de l'loro niente se fù muosso,
 Ma steano tutte quante sbagottute:
 Dette na botta a vno a lo nfraccuosso;
 Ma l'loro erano già tutte ammotute,
 E de lo iaio tutte ntesecaro,
 E tanno mpreta marmola tornarò.
 Sti quatto vecchie erano puerielle,
 Et ogn'vno campaua cò pescare:
 Lo iurno icano cò li vuzzarielle,
 E la gente portauano a sbarcare;
 Ma chella fera, cò cierte tenielle
 Erano iute, ped' acqua pigliare;
 E comm' appero visto l'arme mosse
 Se le chiauaieno sotto de le cosse.

Oie

Oie è lo iuorno, che stanno agguattate,
 E detracano l'acqua adaso adaso;
 Ogn'vno stà co le spalle votate,
 Conformà se trouaie, cossì è rommaso;
 Ma Carmosina, e Rienzo assaie spantate
 Fuino, ca se trouaieno cossì à caso,
 E bello chiano chiano s'abbiaro,
 E chille vecchie à lo muolo lasaro.

Mà io perzì le lasso arreposare
 A no pontone, sotto a na pennata;
 Che la matina voleano aspettare,
 Pè ghì trouanno Cecca sfortonata,
 La quale steua sempe a lagremare,
 Ch'hauea allauaniata chella strata,
 E steua dinto de na grottecella,
 Senza prouare manco na panella.

Ma sulo li lammiente erano ciuo
 Cuotto a lo fuoco, che teneua mpietto;
 E commo fosse cannela de fuo,
 Se ne scolaua, senza manco lieto.
 Dicea chiagnèno: Ah Rièzo, cōmo priuo
 Si de me, io de te, senza recietto?
 E commo pò campà st'affritta vita,
 Si stace da la toia desonita?

Negra me sfortonata, e commo sola
 Potarraggio contenta maie campare?
 Abbanonata dinto a na gaiola
 De penziere, sciaure, e pene ammare:
 Si bè la rompe lo tiempo, che bola,
 Rienzo da ccà schitto me pò cacciare,
 Mà cchiù priesto io mēdesema sarraggio
 La Parca, e dà sti guaie ne sciarraggio.

Ma

Ma meglio afaie farria , ché cò sta spata ,
 Cacciasse chisto spireto dogliuso ;
 Azzò pò iesse spierito p' ogne strata ,
 Pè fi che troua Rienzo mio ammoruso ;
 Cossi dicette , e priesto na stoccata
 Se schiaffaie impietto , e fece no pertuso ;
 Da doue a furia lo sango scorrette ,
 E lo spireto n'aiero se ne iette.

Ma tornammo a lo Rrè , che la risposta
 Cchiù non hauette , nè lo immasciatore ,
 Che fu forzato mannarencè a posta
 N'hommo che fosse chino de valore :
 Fece de li cchiù meglio fà na mosta ,
 Pè sceglierenne nfrà chille lo shiore ;
 E de parere fù ch' a Sarchiapone
 Mannasse capitano Cesarone.

Ed'isso iette , pè sapè , ché n'era
 Fatto de sto Schirofso tradetore ,
 Arriuaie doue steua la bannera
 De Sarchia , e llà chiàmaie lo mmasciatore ;
 Schirofso scette co na bona cera ,
 E disse à Cesarone ; Oh seruetore ,
 (Isso respone) bè che cosa faie ,
 Che la risposta no la puorte maie ?

Isso remmase quassè nzallanuto ,
 E non sapea che dicere , ò che fare ,
 Volea parlare , ma stea sbagottuto ,
 E nfacce se vedeva ianchiare ,
 Da chiste signe l'appe canosciuto
 Cesaro , che sapea conz iderare ,
 E le dette arraggiato no scennente ,
 Che le fece santà lo meglio dente ,

Le gente, che senteano sto remmore,
Corzeno tutte quante, pè spartire,
Et a Schiroffo ierteno nfaore,
Che de dolore quase appe a morire;
Ogn'vno muosso da no gran forore,
Chi volea fare, e chi voleua dire;
Ma Cesarone, ch'era alsaie forzato,
Appe ogn'vno de chille ntommacato.

E pò le mannaie tutte à desfedare,
Che scesseno ncampagna tutt' armate;
Cà islo propio se volea prouare,
O cò lanze, ò cò pertechè, ò cò spate;
Sarchia, che ntese chesto, fà chiammare
Masillo, e Micco, ch'erano approuate;
E disse, che bolanno ogn'vno iesse,
E cò chisto nnemmico commattesse.

Ogn'vno se mettette na corazza,
La spata a lato, e ncapo na chianetta;
Micco na lanza, e Masillo na mazza;
Pè fà de stò nnemmico gran mennetta;
Scetteno tutte duie fore à la chiazza,
E sparaieno na botta de scoppetta,
Pè dà lo signo a lo gran Cesarone,
Ch'erano sciute leste a la tenzone.

Subbeto Cesarone fù accostato,
Pè se prouare primma co Masillo:
Mà isso se fù priesto cranaccato
Cò no zumpo, che parze masto Grillo
E l'vno, e l'auto pò se fù allargato,
Pè se passare comm' a bertecillo:
E cò le lanze se corzeno a dare,
Mà à primmo non se potteno spezzare.

Pò

Pò tornano a botare li caualle ;
E danno n'auta strenta de sperune :
Ogn'vno s'abbasciaie tanto le spalle ,
Che li piette toccauano l'arciune ,
E se ncriccaieno pò comm' a duie galle ,
All'hora quanno fanno a costiune :
E pò arrancaieno tutte doie le spate ,
E stoccate se dettero , e mbroccate.

Lo cauallo de Mase fù feruto ,
E le cadette nterra meza aurecchia ;
Issò non restaie niente sbagottuto ,
Ma dette a lo nnemmico na sceruecchia :
Chillo la reparaie cò lo scuto ,
E ncapo a issò stese la serrecchia :
E fù de puzo lo gran sceruecchione :
Che tutto l'ammaccaie lo immorrione.

Masillo, comm' a piro traboccaie ,
O puro comm' a strummolo rotanno ;
Ma Cesarone priesto scrauaccaie ,
E le stoiaie la facce cò no panno.
La borta buono te lo ntrommentaie ,
Che creo, ch'appe a morì tanno pè tanno ,
Pò ncoppa a lo cauallo a l'abboccune
Lo mese , e l'attaccaie co na fune.

Ma, dapò ch'appe vinto stò nnemmico ,
A Micco disse , si volea iostare :
Issò respòse, Lo vero te dico ,
Cà cò lo buono me vorria accordare ,
Cesaro disse : E tù viene cò mmico ,
E cò lo buono fatte defarmare.
Issò le dà lo scuto, e la corazza ,
La spata, la chianetta, cò la mazza.

Cerrigliu ncantato.

C

E prie.

E priesto le portaie m'presonia
 Nnante a lo signo Cicco Coceniello,
 E tutto alliegro icua pè la via,
 Cà guadagnato hauea sto grāne appiello;
 Cicco, pè se sganà la fantasia,
 Le mannaie dinto de no cammariello,
 Pò Cerriglio auisaie de chesta presa,
 Cerriglio che stea sempe a la defesa.

Quando sà noua iette a Sarchiapone
 De la perdeta grossa de st' ammicce,
 Se voze spertofare lo premmone,
 Si nò hauesse allegrate li nnemmice:
 Schiroffo se chammaie, e disse, mone
 Che cosa te ne pare, e che ne dice?
 Cà pe l'ammore tuo haggio perdute
 Li meglio ammicce ch'aggio canosciute;

Isso respose, Io mò voglio abbuscare
 L'erue, le prete, e l'aute scartapelle;
 Azzò pozzammo sso Regno ncantare;
 Et a sto Rrè cacciare le bodelle,
 E chille ammicce già recoperare
 Le bedarrite, e benì cò l'ascelle;
 Ma Sarchiapone, che steua arraggiato;
 Disse, và priesto, e mò singhe arriuato,

Ma Cerriglio, che steua grannemente
 Colereco, cà Rienzo era sbignato,
 E chello, che le icua cchiù pè la mente;
 Cà s'era cò la figlia confarfato,
 D'arraggia steua tutto quanto ardente;
 Ma cò chella vittoria fù allegrato,
 E Sarchia stea cchiù d'isso sbagottuto
 Perche Cicco non era cchiù benuto.

Cic-

Cicco, che s'addonaie, ch'era scomputo
 De scolare lo iaccio, comm' a scurmo;
 Senza fatica se trouaie sciogliuto
 Da chillo mpaccio legato a chill'vrmo;
 E isso priesto, e miezo sorreiuto,
 S'abbiaie turdo, e de paura curmo,
 E la via de lo campo ieu a scianno
 Pè non hauere quacch'auto malanno;
 Ieu a pè chesta strata, e ghica pè chella
 Ad ogne bico iea tenenno mente,
 Arriuaie doue stea na sentenella,
 Ch'era de Coceniello no Sorgente;
 Isso s'annasconnette a na portella,
 Cà non sapea, chi fosse, o de che gente;
 Chillo chi è là? tre bote le dicette;
 E isso zitto, & agguattato stette.
 Chillo shioshiaie lo miccio pè menarè;
 Ma sulo appiccecaie a lo focone,
 E chella vampa le fece mostrare
 La facce, che pareva iusto Nerone;
 Volenno Cicco la vita scampare,
 S'accostaie bello bello a lo pontone;
 E le sciccaie la spata da lo lato,
 E l'appe tutto quanto defarmato.
 Pò comm' a ciucciariello lo legaie,
 E disse, priesto viene carcerato,
 E isso chiano chiano s'abbiaie,
 Che manco na parola appe parlato;
 Cicco, p'essere sciuto da li guaie,
 E pè sà presa iea tutto preiato,
 E ghica a la mpresa pè la chiazza vruna
 Guidato da li ragge de la Luna.

Dapò, ch'appe no piezzo cammenato,
Da lontano scoprette certe gente,
Isto miezo restaie mmarauagliato,
E sempe a chella via teneua mente,
Che se penzana, ch'erano sordate
De lo nuëmico, e tremmaie fortemente;
Ma canoscette pò lo paueglione,
Addoue solea stare Sarchiapone.
Pè l'allegrezza non potea capere
Dinto a li panne, & horamaie crepaua,
E disse, Eccò cà mò torno a bedere
Li care ammicce, che desedderaua,
Cient' anne mò me pare de sapere
Chello c'hà fatto chesta gente braua;
E mill'aute anne de mettere fuoco
A Cerriglio, a la gente, e affi a lo cuoco.
Pò Gione ngratiaie cò doie mane,
Cà l'hauea fatto tornare a chell' hora;
Pò disse, ò tenne meie Napoletane.
Shiauro vene da vuie, che me nnammora:
Pò priesto s'accostaie a chelle tane,
E se portaie chillo presone ancora;
Ma quanno fù da chille canosciuto,
Preiato ognuno nnante le fu sciuto.
Sarchiapone vedennolo tornare
L'addomannaie, che cosa hauea fatto,
Isto ogne cosa se mese a contare,
E còm' hauuto hauea lo schiacco matto;
Mà m'abbesogna Cicco ccà lassare,
A tale ch'io non esca da lo patto,
E dicere de Rienzo, e Carmosina,
Cà horamaie s'accosta la matina.

Rienzo

Rienzo già se voleua appapagnare ,
 E Carmosina puro a chillo luoco ,
 Quanno na Coccouaia ad'alluccare,
 Ntese , che le crescette cchiù lo fuoco ;
 Disse, chì sà si chesta non pò ashiare
 Lo suo compagno pè chist'airo viuoco,
 E commo lo sapesse cà io puro
 Vago cercanno Cecca pè sto scuro.

Ma isso non sapea cà nchillo auciello
 Lo spireto de Cecca ne' era nchiuso.
 Le venne ntuorno, e ncoppa a lo cappiello
 E isso stea tremmanno , e paurafo ,
 Pò le leuaie da cuollo lo mantiello,
 E isso cchiù tremmaua, e stea confuso ,
 Pò lo portaie pè l'airo volanno,
 E isso appriesso lo ije securanno ,

Tanto, che doue Cecca lo portaie,
 E appriesso a isso ieu a Carmosina ;
 E commo fù arriuato, lo lassae
 Cadere ncoppa de Cecca meschina,
 Rienzo da llà lo ferraiuolo auzaie.
 E co lo lustro pò de la matina ,
 Vedde Cecca l'peduta , e cò la spata
 Pè fi a la groce a lo shianco usilata.

Conzidera tù mò, che grà strillare ,
 Che sciabacco, che triuole, e che chianto,
 Che greciello, che riepeto, e sciccare, (to
 Che streuerio, che allucco, e che grā schià-
 Llà nce mmattette ; non se pò contare :
 E perrò nò lo conto, nè lo canto ,
 Mà sulo Rienzo pè soperchia doglia ,
 Cò no cortiello se tagliaie la coglia.

34 CANTO QUINTO.

E cossì morze, e ghiette all' auto munno ;
 Carmosina chiagneuno se fermaie ;
 L'auciello dinto a no portiello tunno
 Se mese, e preta marmola tornaie ;
 Cecca lo stesso, e stea cchiù sotto nfunno
 Corcata nterra morta se restaie, (to
 Ch'hoie è lo iuorno, che lo corpo muor
 A la fontana stà de mmiezo Puorto,
 E cossì cò la vita lo dolore
 Scompettero, e li guaie de chisto munno.
 Perzò quanno te pienze cò st'ammore
 Essere ncielo staie a lo spreffunno.
 Lloco la naue chiena de ss'ardore
 Ietta l'ancora soia a chisto funno.
 Perzò mparate vuie da mò nnenante,
 Cà mò vene Schirofso co li ncante.

Scompettura de lo terzo Canto.



A R G O M E N T O.

Schiroffo fa lo ncanto. E desfedato
 Da Cicco Sarchia. Liso Cicco abbatte,
 M bufaro Cicco; e ncafa è trasformato
 Liso: Cò Sarchia Cesaro commatte;
 Sarchia le brache n'auciello ha mutato,
 Cerriglio de dolore arraggia, e sbatte.
 Iacouo cò na mascara de morte.
 Fà reffà li nnemmicie mieze muorte.

CANTO VI.

LA Sore de lo Dio, che l'hore sparte,
 Hauea lecentiata ogne zitella:
 Sulo ncè steua l'ammica de Marte,
 Pè se fare a bedè, ch'era cchiù bella:
 Perche da l'hora, che mmescaie le carte,
 E ncè fù couta a chella rezzetella,
 Stà sempe cò Diana accompagnata,
 Pè fà vede a lo Munno, ch'è norata,
 E Schiroffo venea co no sportone
 De scartapelle varro pe'ncantare;
 E neuollo s'hauea puosto no robbonè;
 Ch'abbesognaua de se l'accorciare.
 Arriuaie nnante a lo gran Sarchiapone,
 E disse, Sù volimmo accommenzare?
 Ippo disse, Vorria, che fusse iuto;
 Anze che fosse sso ncanto scompuro.

Isso priesto cacciaie mmiezo a la via
Na tauola cò mille scartapelle,
Che pareva iusto na spetiaria
Cò tanta mbroglie, e cò tanta aruarelle:
Pò, pè bolè chiammà chillo che scria,
Da sotto se cacciaie doie bacchettelle,
E sengaie nterra no gran chirchio tunno,
E mmiezo ncè pegnie lo Mappamunno.

E pò veruesciaua zitto zitto,
Commo dicessè qualeche gran cosa;
Sarchia le disse, È bè, che cosa haie ditto,
Ch'ogne parola la dice annascosa?
E isso a Sarchia tenne mente fitto,
Pò disse, de grammateca pelosa
Certe parole sò, ch'anno vertute
De fa veni dociento tarramute.

Pò chiammaie da lo Regno de Prutone
De Spirete na frotta arrasso sia,
Ch'appero à fa sorreire à Sarchiapone,
Quanno le bedde mmiezo a chella via:
Se chiauaie dinto de lo paueglione,
E pè na senga pò facea la spia,
E l'autè tutte se fuino cacate,
Che l'vno all'auto s'appeno ammorbate.

Mà da coppa a la torre de Cerriglio
Vno teneua l'acchiaro à cannuolo,
Che cchiù, ò mào scoprea miezo miglio,
Comm' a dire da Puorto affi a lo muolo,
Vedde Schiroffo, e chillo gran vesbiglio
Mouere, e ghire Zorfariello a buolo:
Isso priesto auisaie tanno pè tanno
Lo Rè ch' hauea scopierito chisto ngàno,

Lo

Lo Rrè remmase tutto sbagottuto ,
E lo conziglio fece llà chiammare ;
Azzò le conzigliasse quacche aiuto ,
Cà si è ped'isso non sapea che fare ;
Ogn'vno all'ancorrenno fù benuto ,
E accommenzaino subbeto a parlare ,
Pò fuino de parè, che Cesarone
Iesse a cortellià cò Sarchiapone.

Cesarone volanno s'appe miso
No pietro a borta de na cannonata ,
E pè paura de n'essere acciso
Na spata de seie parme appe abbuscata :
Pò no guarzone , che hauea nomme Liso
Chiammaie , che le portasse la celata,
Et a cauallo priesto fù sagliuto,
E senza ntrattenere fù partuto ,

Ne nattemo fù ghiuto, ed' arriuato,
Nmiaie lo Paggio a Sarchia, e le mannaie
A dì, che fosse sciuto tutto armato ;
Ca voleano scì tanno da sti guaie,
Chillo figliulo, commo fù arretuato,
Primmo de Sarchiapone , Cicco ashiaie ,
E disse , sire vuie Sarchiapone ?
Cà lo desfida lo gran Cesarone.

Cicco le disse, Io songo , e balle a dire ,
Cà mò mò vengo a fà quant' isso vole ,
Ma che se tenga mmano de morire ,
E de maie cchiù vedere scì lo sole :
Perchè la vogliò mò propio scompire ,
E dare fatte a chi me dà parole ;
Liso le disse, auto non pozzo fare,
Che la mmasciata irele a portare.

E cossì se ne iette a lo patrone
A dicerelle quanto le dicette ;
E lloro se fermaino a no pontone ,
P'aspettà ste barruffe, e ste mennette,
Cicco se v' a piglià da Sarchiapone
L'arme, e pò priesto ncuollo se le mette ,
Tò se mette a cauallo, e bà affrontare
Chillo, che l'hà mannato a desfedare.

A chillo luoco subbeto arriuàic ;
Pò disse miette mano a chessa spata,
Ma Cesarone subbeto cacciaic
La spata, pè le dà na cortellata ,
Ma Schirofso de chesto s'addonaic,
E chella mbroglià l'appe scommogliata ;
Zoè mannaic a dire a Cesarone
Cà chillo è Cicco, e non è Sarchiapone.

Cesaro mò non voze sferriare,
Cà steua mpicco de no gran guertiere,
Ma disse, si volea cortelliare
Primmo cò Liso, ch'era lo scotiere :
Da lo primmo isso non volea azzettare,
Ma pò le parze buono lo penziere ,
E disse, Priesto sù mettimmo mane,
Cà mò te caccio da cuorpo lo pane.

Liso cacciaic la spata, e cò lo scuto,
Se mese mposta bello a no pontone,
Nò hauea paura d'essere feruto ,
Perche sempe pigliaua lettione ,
E primmo no gran tiempo isso fù ghiutò
A la scola de masto Palatone ,
E llà mparaic domilia sbaratte ,
Che manco hauea paura de le gatte.

E Cicco

E Cicco mposta co na spata puosto
Se fù, che pareva spito bolognese,
E stea arrapato, e cchiù, che breccia tuosto
Ch' hauarria dato mmaisto a no paiese,
Tanno dicette Liso, chisto vuosto
Chilleto stimmo iusto no tornese,
Perche mò la recauo, e boglio ntrare,
E faretella da mano santare.

Cicco, che sente chesto dà na fenta,
Pè fare, che lo scuto isso allargasse;
Ma Liso manco sale se spauenta;
E fegne, comme non se n'addonasse:
Ed' isso torna cò na grossa spenta,
Che parze furia, o puro Sautanasse,
E couze a lo guancetto de lo scuto,
Che s'appe tutto lo spito spontuto.

Ma quando Liso le vedde santare
Tre deta de la punta de la spata,
Se mese mposta de volere ntrare,
E metterelle franca na stoccata:
Ma pò s'attenne, e disse, che buoie fare?
Vuoie, che te lasa acciso a chesta strata;
O veramente te vuoie fà legare,
E mpresonia farete portare?

Isso se stette zitto, e non voleua
Dire nè sì, nè nò, cà stea scornato,
Ma cò na facee affritta se chiudeua
Le spalle, e nterra lo fronte mpizzato:
Cesarone de chesto se rideua,
E disse, e bè non staie cchiù arrapato?
Ca te n'iere venuto cò na rafa
De Sarchia, a sbregognarele la casa.

Và figlio mio vattenne a lo castiello
A bisetare li compagne tuoie :
E tù lo porta nante a Coceniello ,
E pò lo miette cò l'ammice suoie.
Liso lo lega cò no funeciello ,
E lo portaie , comme se fà a li vuoie ;
Ma Cicco volea bello guatto guatto
Coglieresella, e nò le venne fatto.

Isso se resolie de volere

Fuì pe forza, e de Liso lassare :
Ma Liso, che se steua a lo bedere,
Steua aspettanno che boleua fare ;
Faceua nfenta de lasco tenere ,
E isso fà na forza, pè sbignare :
Ma Liso tenne strinto , e mpontaie nterra
Li piede, e buono a la fune s'afferra.

Cicco tutta la forza soa metteua ,
E Liso appriesso se lo strascinaua,
Che si a sciorte quarcuno lo vedeua,
Parea, che Cicco a Liso ncarceraua :
Lassa cornuto (Cicco le diceua)
Liso li Deie n'aiuto chiammaua :
Quanno vediste le gamme mpontare
De Liso, e ndoie colonne trasformare.

De lo cuorpo se fece no palazzo ,
E restaie mmiezo la chiazza chiantato ,
Le mano aniello, e c tena lo lazzo,
Con che Cicco stea buono annodecato ,
Cicco non appe libertà da pazzo ;
Ga mbufaro da chille sù mutato ,
E cossi soccedette chisto caso ,
E restaie bello bello pè lo naso.

La spata che tenea Liso a lo shianco,
Fù fatta a Spagna da no masto buono ;
Pò nFranza stette , e de sanà lo granco
Acquistàie ssà verrute cò lo suono ,
Ma chillo, che sta'ncoppa de lo banco.
De la festa celesta, & hà no truono ,
Voze la spata vertolosa, e bella
Mutarela d'alluogo na cartella.

E cossi se restaino a chillo luoco
Mbufaro Cicco , e Liso alloggiamiento,
Cossi bà chi na cosa piglia a ghinoco ,
Che mporta, e ncè dà poco sentemiento,
Cossi è chi mmano vò piglià lo fuoco,
E lo vole astutare cò lo viento ;
Che, pè se temperare l'abbruscioire ,
L'allumma cchiune, e sente cchiù l'ardore

Tornammo a Cesarone, ch'era iuto
Ntratanto a desfedare a Sarchiapone ,
E Sarchia d'arme ianche era vestuto,
E sciuto ncompagnia de Iaconone
La lanza mmano, e nnante no grã scuto
Se mese, e ncoppa a no gran cauallone;
E tenea ncoppa de na pauesera
De mille penne na gran pennacchiera.

Iacouo no moriello hauea abbuscato,
Ch'era comm' a la morte sicco sicco ,
Et era'mpasso mpasso arragamato
D'arragamo de chiaie muto ricco;
N'occhio hauea guercio, e l'auto hauea
Che cacciato le fù cò no palicco; (cecato,
Hauea tutte le coscie scioffellate,
Che contà le potiue le costate.

Se vedeno, s'affrontano, e s'accostano,
 Rideno, se salutano, e se chiammano;
 Se toccano le pratteche, e se mostano
 Ntreppe; pò s'arraggiano, e se nshiāma-
 Se votano, s'allargano, e se scostano, (no,
 Se stregneno, se mmešteno, e s'arrañano,
 Se zollano, e le coppole s'ammaccano,
 Se menano, se parano, e se shiaccano.
 S'abbasciano, pò s'auzano, e se tirano,
 Se stizzano, se fermano, e se scornano,
 Mò shiatano, e se posano, e ritirano,
 P'accidere, e pè bencere pò tornano,
 S'acconciano, pò passano, e se mmirano;
 S'appontano, s'ānettano, e pò s'ornano:
 Pò iettano li fodare, e sferreiano,
 Se pesano, se pogneno, e stroppeiano.
 Pò scenne ogn'vno da cauallo nterra,
 Pè fà l'vno dell'auto gran scamazzo;
 E Sarchia auzanno la pesante sfera,
 De li vracune se rompìe lo lazzo,
 E fece zita bona a chella terra,
 Ch'ogn'vno se pigliaie no gran sollazzo,
 Vedenno Sarchia comm' a no scolaro,
 Quando le cauze a brache se calaro.
 Iso, pè non restare perdetore,
 Perche chelle le deano gran trauaglio,
 Le boze prieto sbalanza da fore,
 Comm' a palla truccata da lo maglio,
 Le mannaie tanto nauto, che quatt'hore
 Saglietteno, e pareano quant' a n'aglio,
 Tanto che pò se n'erano scordate,
 Quando s'appero n'airo scommegliate.
 Tutte

Tutte chille sordate, e chelle gente,
Vedenno chelle brache abbecinare ;
Ogn'vno a chella via teneua mente ;
Tutte tremmanno steano ad' alluccare ;
Tanto cchiù, che lo sole asfaie lucente
Le faceua parere a lo calare ;
E tanno se metteano ncelleuriello ;
Ch'era de Giove lo famuso Auciello.

Perche pareua capo la vrachetta,
E li cosciale pareuano ascelle,
Ogn'vno coriuso chillo aspetta ;
Ma paura de noue scentelle :
Chi la picca pigliaie, chi la scoppetta ;
E steano tutte comm' a sentenelle.
Giove, che bedde st'ardire sciaurato ;
De collera se fece asfaie ntosciato.

E disse all' aute Deie, Facimmo caso ,
Che chello che se penzano bè fosse :
S'hanno da fà lo sinape a lo naso
Venire pè me dà cottura , e tosse ?
Non fanno li Giagante, che remmaso
Ogn'vno fù dinto a le scure fosse ?
E subbeto ordenaie , che Febo desse
Spireto a chelle , e auciello le facesse ;

Tanno Cerriglio fù chiaruto buono ,
Vedenno chill' Auciello stremmenato ;
Le parze d'hauè ncapo no gran truono ;
E steua tutto quanto desperato ;
Chiagnea a selluzzo cò dogliuso suono ;
E pò lo mmeglio meglio appe adunato ;
Pè ghiresenne cò là meglio gente ;
Pè non fare la chiaia cchiù fetente.

Ma

Ma torno a Ghiacouone, ch'era arcino,
 Che se mettie na mascara de morte,
 E pè fare a Cerriglio cchiù corriuo,
 Iette a cauallo si'nnante a le porte,
 Ogn'vno miezo muorto, e miezo viuo
 Restaie, & a fuà se mese forte,
 E cossì cò ssà burla Iacouone
 Fà, vincere cchiù priesto a Sarchiapone.

Mà Schiroffo vedeano la Fortuna
 Che ghiea nfaore a lo gran Sarchiapone,
 Tutte le mbroglie soie priesto s'aduna,
 E n'enchie vario vario lo sportone,
 E pò l'appe legato cò na funa,
 E lo trasie dinto a lo paueglione,
 E disse a Sarchia, cà isso era stato,
 Ch'appe tutto l'asferzeto ncantato.

Sarchia se lo credeua, bestiale,
 Che isso hauea ncantato chelle gente,
 Vozzacchio, sciautatore, arce apemale,
 Chessa papocchia se fa ic' a mente,
 sciaddeo, maccarone senza sale,
 Facce de nò cetrulo de semmente
 Sarchia, e Schiroffo, e chi credere vole
 De sso Schiroffo le fauze parole.

Pauruse, tremmante, e sbalisciate
 Restaieno chelle gente de Cerriglio,
 Cesarone, e cert' aute carcerate
 Restaseno, e isso comm' a no coniglio;
 Ordenaie pò, che fossero portate
 Lontano da la terra miezo miglio,
 E isso s'allestea, pè se n'entrare,
 E amiezo a lo Cerriglio trionfare.

Scomparsa de lo sesto Canto.

Ar-

ARGOMENTO.

Cerriglio se ne fuie pè la gran guerra :
 Pò troua Carmosina, e se ne vanno.
 Sarchia entra triòfante a chella Terra.
 E scarçera le gente, che ncè stanno.
 A maro cade Carmosina, e nterra
 No Darfino la porta , sbarca tanno
 Cerriglio à Frorio, Sarchia fà tornare
 Ogn'vno a la soa forma , e stà a sgua-
 (zare.

CANTO VII.

M Vsa mò vienetenne cò no cato
 Zippo dell'acqua fresca d'Alecona ,
 Cà songo tutto ncuorpo desseccato;
 E tieffeme a la mpresa na corona;
 Mò m'abbesogna d'essere aiutato,
 Mò si ca me vuoie fà na cera bona;
 Azzò pozza scompire de cantare ,
 Cà la coda è cchitù forte à scortecare.

Cerriglio sfortunato fece aprire
 La porta fauza de la strettoletta :
 Azzò non fosse visto a lo fuire
 Da quarche spia , o quarche sentinella :
 Cò illo Coceniello voze jre,
 Nzembra cò l'aute de ciappa, e de sellà ,
 E le steua aspettanno Patron Luca
 A lo Mantracchio cò na gran felluca.

Iena-

Ieuano tutte quante adaso adaso,
Che manco se sentea scarponiare,
Accappucciato ogn'vno affi a lo naso;
Comm' a chille, che soleno arrobbare:
Cò lloro se portaino pane, e caso,
E bino azzò potesseno campare
Pè lo viaggio, affi che chella rota
De la fortuna l'auza nauta vota.

E mentre ieano tutte zitto, e mutto,
No furzo d'acqua veuere volcua
Cerriglio, e s'accostaie a chillo butto;
Addoue d'acqua na gran furia scena;
Quanno sentie da diinto a lo connutto
Na voce lagremosa, che diceua,
Io Cecca sò, e te cerco perdonanza,
Cà t'aggio fatta sta mala crianza.

Quanno Cerriglio sta voce sentette,
Restaie comm' a chiafeo tutto ncantato,
E lo gran chianto tenè non potette,
E bolanno appe ogn'vno perdonato;
Ogne compagno miezo da se scette,
Ch'appe ogn'vno a restare speretato:
Quanno appàrè vediste Carmosina
Cò na stanfella, e ncapo na mappina.

Tanno lo Rrè a essa addommannae
De lo negotio, e comm'era palsato.
Dall'aco affi a lo filo essa contaie,
E Rienzo cchiù d'ogn'auto appe scusato:
E isso a perdonarele tornaie,
Mà non pè chesto non steua accorato;
Anze cò chesta noua ch'appe hauuta,
Fù cōmo ncoppa a cuotto acqua volluta,
Pò

Pò se ne iero, e a lo maro arriuate,
Ogn'uno se mmarcaie lagremanno :
Appero priesto l'ancore tirate,
E a la fortuna mpotere se danno ;
L'argiento muollo cò li rimine sgrate
Rompeno , ma non fanno addoue vahnò,
Vanno addoue la sciorta, e lo destino ,
Olontano le portano, o vecino.

E mente và Cerriglio , e li compagne
Cò chella varca de male contiente,
Aranno de lo maro le campagne ,
Mpotere a la fortuna, & a li viente :
Io torno a Sarchia, che da li carcagne
Chino de contentezza affi a li diente
Era cò Cola , e Ghiacouo pè ntrare
A lo campo de vino, e trionfare.

L'auciello ch'era vrache pè cauallo
Sarchia se ferue , e se ncè mette ncoppa ;
Ncuollo se mese no vestito giallo,
E se portaua lo gran Cola ngroppa ;
Mmano tenea de vruoccole no tallo
Pè scettro , e nnante Iacouo na coppa ;
Cà l'hauea dato affitio de coppiero,
E ghica a cauallo ncoppa a no sommiero.

Ncapo s'haueua posta na corona
De vruoccole spicate a la smargiassa ;
E nnanze ad isso ieua ogne perzona
Facenno largo, azzò che Sarchia passa ;
Ogn'vno le facette cera bona ,
Sulo na certa mmardetta vaiassa ,
Ch'a lo trasi la porta de lo muro
Ncapo le deuacaie no pisciaturo.

Illo se pigliaie collera, e nzorfato
Se mostraie buono, e se mese a gridare,
Ma Cola l'appe subbeto pracato,
Cà finò, se voleua desperare,
E disse sempe vene temperato
Cò lo desgusto, lo gusto, e l'amare
Cose vanno a trouà sempe le doce,
Cchiù che non corre l'ecora a la noce.
Ma pò cò tutte chelle gente armate
Se ne trasette comm' a Mperatore
Fuino le porte llà spaparanzate,
Pè fà trah sò grannie vinctore,
Commo tutte le gente fuino ntrate
Gridaieno, Viua Sarchia gran signore,
E llà corzeno tanta a mille, a mille
A fà allegrezza cò fische, e cò strille.
Pò iette a raperire lo castiello,
E fece scì da dinto a la gaiola
Li duie presone Mase, e Menechiello,
Ch'haueuano de scì gran cannauola,
Pò scerauaccaie da lo cauallo auciello,
Et ordenaie, che cò Schiroffo Cola
Iesse a piglià no buono arcuolo chino
De chello gran licore tanto fino.
Pò commannaie, che priesto se mettesse
Na tauola pè fare gran bazzara,
Et ogn'vno la panza s' allestesse
Pè smorfire, e la canna se prepara,
Che ghiettano li 'giacche co l'alleffe,
E pigliano lo spito, e la cocchiara,
E a l'ancorrenno ogn'vno affacennato
Che spechiareia, e scumma lo pignato.
E men-

E mentre chiste ccà vanno allestanno ,
 Chillo banchetto pè scrofoniare ;
 Torno a Cerriglio , che ghieua correnno
 Pè chillo guorfo, e s'appe ad' annegare,
 E Carmosina, che ghieua vedeano
 Dinto a chell'acqua si potea ncappare
 No pesce, mentre la mano stènnette,
 La varca s'abboccaie , e ncè cadette.

Subbeto lesto venne no Darfino ,
 E se la utorzaie ncoppa a lo scartiello ,
 E bolanno pigliaie lo cammino
 Pè coppa all'acqua commo fosse auciello:
 Comm' a lo shiatamone fù becino
 All' onna le raprette no portiello,
 Iso lla'ntraie ; e fece da la schena
 Carmosina cadè ncoppa a l'arena.

Elsa restaie sorresseta , e storduta ,
 Pò ica pè coppa a chella arena sperta
 Tutta tremmanno, e meza nzallanuta,
 Quanno scòprie na porta, che stea aperta
 Elsa anemo se dette, e llà trasuta
 Fù. pè non ghire sempe maie deserta ,
 Pò fu da lo patrone de la casa
 Accouta, e llà pè sempe fù rommasa.

Chisto patrone era hommo vertoluso
 Che capo allietto fù da li pasture ,
 Hommo fedele, cortése , e ammoruso
 De quanta appeno maie conuerture,
 Chisto cchiù d'vno fa restà confuso ,
 Cò le parole addorose de schiure ,
 E quanno canta, pare n'auto Orfeo ,
 E fa quarcuno rommanè chiafeo.

Ma tornanno a lo Rrè male contente ,
Che pè paura de non s'annegare ,
Se conzigliaie cò tutte chelle gente
De volè nterra la varca accostare ,
Scoprie lo Regno de lo suo parente ,
E a chillo puorto voze i a sbarcare ,
Che Frorio nomme haueua , da chell'ora
Che fatto fù da la Regina Frora.
Frorio mò lo venne ad' affrontare ,
E le fece carizze, e nore asfaie,
E cò isso lo fece llà restare ,
E pò lo connortaie de chille guafe ,
Et io perzì abbefogna ccà lassare
Sta gente cò li lloro catalaie ,
E cò quatto parole priesto priesto
De Sarchiapone dire l'auto riesto.
Schirosso era venuto cò lo vino
Nnante all'Aroie famuso vencetore ,
Chillo lo fece mettere vecino
A lo musso de Peppo, e a lo Dottore :
Mà Tonno mò, ch'era no gran chiappino
Sentette da lontano lo grà addore ,
E corze, e cchiù d'ogn'auto isso forchiaie ,
Et a la primma forma retornaie.
L'auto perzì zoè lo Gatto. e l'Vrzo ,
Pè la vertute de la maruasia ,
(Che mparte lloro n'appero no furzo)
Tornaino huomēne mmiezo a chella via
Mmarauegliato ogn'hommo llà fù curzo ,
E bedde chella gran fattocchiaria
Sanare, e tanno tutto quanto ammisso
Sarchia rommase, che pareva de isso.

Pò pregaie Marte, ch'a Giove parlasse,
E facesse tornà Cicco comm'era ;
Poccha isso è lo Dio de li smargiasse,
E Sarchia d'isso porta la bannera :
Mà Giove mò pè non fà cchiù fracasse ;
La gratia fece cò na bona cera :
Ma, ch'ogne ghiuorno fece fà strōmiēto :
Che ghiessse Cicco a chillo alloggiamiēto,
Erzò se vedea sempe spēsziare
Pè dinto, e fore, e pè bascio, e pè suso ,
Cà voleua lo vuto sodesfare ,
Cà si nò bello sarria stato fuso .
Nfine se vedde llà hommo tornare
Comm'era primmo: ma stea alsaie cōfuso
Sarchia le disse: che d'haie a lo musso t
E tanno Cicco se facette russo.
O le respose, e disse , sto nznignale
Me l'ha fatto l'aniello de lo naso :
Isso le disse, vā via bestiale,
Che fuste (ò braua cosa) ecà remmaso ;
E t' haie fatto tirà brutto anemale
Comm' a no sorēcillo da lo caso,
Hora vā priesto, e fatte dece vagney
Cà fiere, cà si nò cò nuie non magne.
So corre a lauarese la facce,
E pè ghire a la mpresa appe a cadere ,
Perche sentea l'addore de migliacce
E bolca priesto irele a bedere,
Vedde venire cierte sanguinacce ,
E isso priesto se corze a sedere,
Sarchia lo vede ; e fa ch'ogn'hōmo dica;
A magnà non se vā senza fatica.

Curre l'è ditto, curre a faticare,
 E non hauè a la mpresia ch'èsta allanca;
 Aiutance a lo mmanco a cocinare,
 E non passare pè la maglia franca;
 Miettete tu perzì a scocchiariare,
 E non hauè paura, chè te manca,
 Che tanto hauisse voglia de smorfire
 Quanta nè vonno ccà robbe venire.

Mo accommenza tutto affaccennato
 A botà spite, & a shioshià lo fuoco,
 Cò na cocchiara scumma ogne pignò
 E fa lo scarco sopra ogn'auto cuoco
 Chello, che le pareua cocinato
 Se lo magnaua annascuso a lo bruoco,
 E pè fa priesto tutto s'appe cuotto,
 E s'abbottaie comm' a no ranauuotto.

Pò lo gran Sarchiapone fa senare
 Na caudara a recouta cò no cuorno;
 Azzò se iesse ogn'vno ad'affettare,
 Ntauola pè filera ntuorno ntuorno,
 Ogn'vno corze, e posese a gridare,
 (È dicca) ccà se pozza fare iuorno:
 Pò li mappole priesto s'accorciaro,
 E de le brache le strenghe spontaro.

Ccà vediue na frotta spettorate,
 E forchiauano vruodo a buonne cchiù
 Da là cierte aute vediue allancate,
 Ch' hauatriano gliottuto lo Perù:
 Da nauta bauna cierte mbriacate,
 E scostomatamente fanno bù,
 E'ncrosione ogn'vno magna, e berna,
 Che de no Regno è fatta na tauerna.

S C O M P E T V R A.





5623





BIBLIOTECA L

III.^a

SCAFFALE.

PLUTEO....

N.º CATENA....